



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՓԱՍՏԱԲԱՆՆԵՐԻ ՊԱԼԱՏԻ ՆԱԽԱԳԱՀԻ ՈՐՈՇՈՒՄ

ՇԻՐԱԿԻ ՄԱՐԶԻ ՄԱՐԶԱՅԻՆ ՀԱՄԱԿԱՐԳՈՂ ԸՆՏՐԵԼՈՒ ՀԱՄԱՐ ՓԱՍՏԱԲԱՆՆԵՐԻ ԺՈՂՈՎ ՀՐԱՎԻՐԵԼՈՒ ՄԱՍԻՆ

Ղեկավարվելով Հայաստանի Հանրապետության փաստաբանների պալատի (այսուհետ՝ Պալատ) կանոնադրության 17.3-րդ կետի, ինչպես նաև Պալատի նախագահի 17.12.2013թ. թիվ 70-Լ որոշմամբ հաստատված «Մարզերում համակարգում իրականացնելու մասին» կարգի 3.1 կետի պահանջներով,

հաշվի առնելով Հայաստանի Հանրապետության Շիրակի մարզում մարզային համակարգողի ընտրության կապակցությամբ փաստաբանների ժողով (մարզի փաստաբանների համատեղ հավաք) հրավիրելու անհրաժեշտությունը,

Ո Ր Ո Շ Ե Ց Ի՝

1. **2014 թվականի հուլիսի 11-ին** Հայաստանի Հանրապետության Շիրակի մարզի համակարգողի ընտրության համար անցկացնել մարզի փաստաբանների ժողով (այսուհետ՝ ժողով)՝ **«Մարզային համակարգողի ընտրություն»** օրակարգով:
2. Սահմանել, որ **քվեարկությունը սկսվում է 2014 թվականի հուլիսի 11-ին ժամը 13:00-ին և ավարտվում է նույն օրը՝ ժամը 16:00-ին**.
3. Սահմանել, որ մարզային համակարգողի **թեկնածուների առաջադրումը (ինքնաառաջադրումը) սկսվում է 2014 թվականի հունիսի 30-ից (ներառյալ) և ավարտվում է 2014 թվականի հուլիսի 04-ին, ժամը 18:00-ին**:
4. Սահմանել, որ **քարոզչությունը սկսվում է 2014թ. հուլիսի 05-ից (ներառյալ) և ավարտվում է 2014 թվականի հուլիսի 10-ին, ժամը 18:00-ին**:
5. Հանձնարարել Պալատի աշխատակազմի ղեկավարին՝
 - եռօրյա ժամկետում իրազեկել Շիրակի մարզի փաստաբաններին Պալատի ցուցակում գրանցված էլեկտրոնային փոստի և Պալատի վարչական շենքում (ք. Երևան, Զաքիյան փողոց 2, 4-րդ հարկ) գտնվող համապատասխան ցուցատախտակի վրա հայտարարությունը գետեղելու միջոցով:
 - սույն որոշման մասին իրազեկել մարզային խնդիրների համակարգման գծով Պալատի նախագահի տեղակալին:
 - հաշվիչ հանձնաժողովին ապահովել անհրաժեշտ նյութատեխնիկական միջոցներով:

19 հունիսի 2014թ.

թիվ 197-Լ

6. Հանձնարարել Պալատի ֆինանսական տնօրենին՝ մարզային ընտրությունների կազմակերպման և անցկացման, ինչպես նաև հաշվիչ հանձնաժողովի գործունեության համար անհրաժեշտ ծախսերի ֆինանսավորումը կատարել Պալատի բյուջեի միջոցների հաշվին՝ հաշվիչ հանձնաժողովի նախագահի ներկայացրած հայտի հիման վրա:

7. Հաստատել Շիրակի մարզի փաստաբանների համատեղ հավաքի ծանուցման ձևը՝ համաձայն հավելվածի:

Հայաստանի Հանրապետության
փաստաբանների պալատի նախագահ՝

Արա Զոհրաբյան

19 հունիսի 2014թ.

թիվ 197-Լ

ք. Երևան



Հավելված
ՀՀ փաստաբանների պալատի նախագահի
19.06.2014թ. թիվ 197-Լ որոշման

ԾԱՆՈԻՑՈՒՄ

**Շիրակի մարզում մարզային համակարգողի ընտրության համար
փաստաբանների ժողով հրավիրելու մասին**

ք. Երևան, Զաքիյան 2

19.06.2014թ.

Հարգելի փաստաբաններ,

Սույնով Դուք ծանուցվում եք այն մասին, որ 2014 թվականի հուլիսի 11-ին Գյումրի քաղաքում (հասցեն՝ քաղաք Գյումրի Խրիմյան Հայրիկի 46 ա, 2-րդ հարկ, հանրային պաշտպանի գրասենյակ) մարզային համակարգողի ընտրության կապակցությամբ հրավիրվելու է Շիրակի մարզի փաստաբանների ժողով (մարզի փաստաբանների համադրող հավաք, այսուհետ՝ ժողով):

1. Քվեարկությունը սկսվում է 2014 թվականի հուլիսի 11-ին, ժամը 13:00-ին և ավարտվում է նույն օրը՝ ժամը 16:00-ին:

2. Մարզային համակարգողի թեկնածուների առաջադրումը (ինքնաառաջադրումը) սկսվում է 2014 թվականի հունիսի 30-ից (ներառյալ) և ավարտվում է 2014 թվականի հուլիսի 04-ին ժամը 18:00-ին:

3. Քարոզչությունը սկսվում է 2014 թվականի հուլիսի 05-ից (ներառյալ) և ավարտվում է 2014 թվականի հուլիսի 10-ին ժամը 18:00-ին:

4. Մարզի յուրաքանչյուր փաստաբան քվեարկությանը պետք է մասնակցի անձամբ:

5. Քվեարկության օրը պետք է ներկայանալ անձը հաստատող փաստաթղթով կամ փաստաբանի վկայականով:

6. Քվեարկության գաղտնիությունը ընտրող փաստաբանի համար ոչ միայն իրավունք է, այլև պարտականություն:

Առաջադրման կամ ինքնաառաջադրման վերաբերյալ դիմումը («Մարզերում համակարգում իրականացնելու մասին» կարգի 3.32 կետում նշված բովանդակությամբ) պետք է ներկայացվի ք.Երևան, Զաքիյան 2 հասցեով՝ մարզային հաշվիչ հանձնաժողովին:

«Մարզերում համակարգում իրականացնելու մասին» կարգը և անհրաժեշտ այլ տեղեկությունները կարող եք ներբեռնել Պալատի www.advocates.am կայքէջից:

Հայաստանի Հանրապետության
փաստաբանների պալատի
աշխատակազմի ղեկավար՝